


s15.

Gambar di bawah menunjukkan kes ragut.



(a) Sekiranya anda melihat situasi di atas, apakah perlakuan moral anda ?

Saya akan rakam insiden tersebut dengan menggunakan telefon pintar saya.
Setelah itu , saya akan buat laporan polis dan serahkan bukti rakaman saya.
Seterusnya , saya akan cuba sedaya upaya untuk menenangkan mangsa ragut.

[2 markah]

(b) Berdasarkan jawapan di 2a),nyatakan dua prinsip keprihatinan yang boleh dicontohi bagi menangani masalah ragut.

- (i) menunjukkan sifat kepedulian dengan membantu mangsa ragut yang memerlukan bantuan.
- (ii) menunjukkan sifat pemurah dengan meluangkan masa untuk menenangkan mangsa ragut.
- (iii) menunjukkan sifat berperikemanusiaan dengan bersimpati terhadap mangsa ragut yang memerlukan sokongan moral.

[2 markah]

(c) Berikan implikasi terhadap mangsa ragut.

Mangsa ragut akan mengalami trauma.
Mangsa takut untuk keluar tanpa ditemani individu lain.
Mangsa bimbang kejadian itu akan berulang lagi.
Mangsa kehilangan wang dan barangan berharga.
Mangsa alami kecederaan pada anggota tubuh badan.

[3 markah]

(d) Bagaimana cara untuk mengelakkan daripada menjadi mangsa ragut ?

Elakkan memakai barang kemas berlebihan.
Elakkan daripada berjalan bersendirian di kawasan sunyi.
Boleh gunakan beg galas untuk menggantikan beg tangan.
Amalkan amalan jalan berlawanan arah jalan ketika jalan berhampiran jalan raya agar dapat lihat kenderaan yang datang hampiri kita.

[3 markah]

16.

s16. Maklumat berikut berkaitan dengan sikap integriti individu.

Shila, seorang kakitangan awam telah membuka sebuah pusat tuisyen di kawasan kejiiranannya. Dia telah menggunakan khidmat fotokopi di pejabat untuk kegunaan diri sendiri tanpa kebenaran majikannya. Dia telah fotostat latihan untuk murid-murid di pusat tuisyennya. Tindakan ini telah diperhatikan oleh beberapa pekerja pejabat dan laporan telah sampai ke pengetahuan majikannya.

(a) Nyatakan amalan integriti yang sepatutnya Shila amalkan sebagai kakitangan awam

(i) Shila patut patuhi kod etika kerja.

(ii) Shila patut mengelakkan penyelewengan kerja.

[2 markah]

(b) Jika anda adalah majikan Shila, cadangkan tindakan yang sepatutnya dikenakan ke atas Shila. Justifikasikan jawapan anda berdasarkan prinsip keadilan atau prinsip keprihatinan.

Saya bertindak atas prinsip keadilan.

Saya akan beri amaran tegas kepada Shila.

Saya hendak Shila sedar akan kesalahannya dan tidak ulangnya.

Ketegasan saya akan jadi pengajaran kepada pekerja lain supaya tidak cuba melakukan kesalahan serupa seperti Shila.

[3 markah]

(c) **“Jika hilang wang boleh diganti tetapi jika hilang integriti maka hilanglah harga diri”.**Beri ulasan anda tentang slogan tersebut.

Jika kita tidak berintegriti di tempat kerja maruah diri kita akan terjejas teruk.

Orang lain akan hilang kepercayaan dan keyakinan terhadap diri kita.

Orang lain mula memandang rendah terhadap diri kita.

Jika kesalahan yang kita lakukan berat maka kita akan kehilangan kerja.

Dengan ini, kita hilang sumber pendapatan dan sukar dapat kerja baharu dan masa depan kita akan terjejas.

[5 markah]

s17. Berikut adalah tindakan Maria sebagai bendahari kelas.

Maria merupakan bendahari kelas yang diberi tanggungjawab untuk mengutip duit daripada rakan sekelas yang akan digunakan untuk membeli peralatan bagi kegunaan dalam kelas. Maria telah menggunakan duit kelas untuk membeli kasut berjenama yang diidamkan. Tindakan Maria telah diketahui oleh guru kelas setelah Maria tidak menggantikan pemadam papan putih yang rosak dan pen marker yang kehabisan dakwat.

- a) Pihak sekolah menekankan pembentukan insan bermoral dalam kalangan pelajar. Jelaskan bagaimana Maria dapat membentuk insan bermoral dari aspek penaakulan moral dan emosi moral.

(i) Penaakulan moral

Maria boleh berfikir dan tidak boleh gunakan duit kelas untuk kepentingan diri.

.....
Dia perlu amanah simpan duit kelas secara berasingan dengan selamat dan hanya gunakan untuk perbelanjaan kelas.
.....

(ii) Emosi moral

Maria akan berasa malu atas kesalahan yang dilakukan olehnya.

Guru dan rakan sekelas akan hilang kepercayaan terhadap Maria.
.....
.....

[4 markah]

- b) Jelaskan kesan terhadap Maria apabila guru kelas memberitahu tindakan Maria yang tidak jujur kepada rakan sekelas.

Maria akan dimarahi oleh rakan sekelas.

.....
Maria akan dijauhi oleh rakan sekelas.

.....
Maria akan alami tekanan emosi.

.....
Imej diri Maria akan terjejas.
.....
.....

[4 markah]

- c) Nyatakan **dua** peranan yang harus dipikul oleh seseorang setiausaha persatuan setelah mengendalikan aktiviti mingguan.

(i) Setiausaha persatuan harus kemaskini kehadiran dan hantar senarai ahli tidak hadir kepada guru penasihat.
.....
.....

(ii) Menyediakan laporan aktiviti mingguan.
.....
.....

[2 markah]

s18.

Gambar di bawah menunjukkan tentang nilai kerohanian dalam hubungan kekeluargaan.



- (a) Apakah perasaan anda apabila melihat situasi tindakan anak di atas? Justifikasikan jawapan anda.

Sedih.

Ibu bapa gagal menjadi suri teladan kepada anak mereka.

Ibu bapa tidak memuliakan dan tidak menjaga warga tua dalam keluarga mereka.

[4 Markah]

- (b) Nyatakan dua contoh lain integriti dalam keluarga?

(i) menjaga kerahsiaan keluarga.

(ii) menjadikan pegangan agama sebagai asas yang kukuh dalam pembinaan keluarga.

[2 Markah]

- (c) Terangkan peranan ibu bapa untuk memupuk nilai kerohanian dalam hubungan kekeluargaan di atas.

(i) Ibu bapa perlu didik anak-anak mereka untuk menyayangi warga tua.

Dengan ini , anak-anak akan hormati sumbangan warga tua dan menjaga mereka dengan baik.

(ii) Ibu bapa perlu didik anak-anak untuk memupuk hubungan baik dalam keluarga.

Dengan ini , anak-anak akan ambil tahu tentang situasi warga tua yang tidak berupaya dari segi fizikal dan menjaga kebajikan mereka.

[4 markah]

s19. Petikan berikut berkaitan dengan rintihan Ridzuan dengan sahabat karibnya, Shamin tentang konflik keluarganya.

Shamin : Kenapa dengan kamu Ridzuan ? nampak sedih sahaja.

Ridzuan : Saya berasa tertekan Min. Ayah dan ibu saya yang sering bertengkar. Saya pernah dipukul oleh ayah kerana ingin melepaskan geram.

Shamin : Saya simpati dengan apa yang berlaku terhadap kamu, saya harap kamu bersabar dan banyak berdoa

a) Berdasarkan petikan di atas, terangkan dua punca berlakunya konflik antara ibu bapa dalam sesebuah keluarga.

i. Masalah kewangan.

Tekanan sumber pendapatan tidak mencukupi boleh mengakibatkan pergaduhan antara ibu bapa yang boleh menjurus kepada keputusan untuk bercerai.

ii. Masalah keegoan.

Perbezaan pendapat dan kekurangan sikap bertolak ansur menyebabkan ibu bapa tak tahan antara satu sama lain dan inginkan penceraian.

[4 markah]

b) Sekiranya anda ialah Shamin, bagaimanakah anda dapat membantu Ridzuan untuk menyelesaikan masalahnya?

i. Saya akan meminta Rizduan untuk mendapatkan bantuan pihak ketiga seperti datuk dan nenek.

ii. Saya akan membawa Ridzuan berjumpa dengan kaunselor untuk dapat khidmat nasihat.

[2 markah]

c) Cadangkan empat cara untuk memupuk integriti dalam kalangan anggota keluarga.

i. memberikan penghargaan kepada anggota keluarga.

ii. menyayangi dan memuliakan anggota keluarga.

iii. memberikan layanan adil terhadap anggota keluarga.

iv. mempunyai kemahiran keibubapaan yang baik.

[4 markah]

s20.

Situasi berikut berkaitan dengan hubungan kekeluargaan dalam keluarga Parvin.

Ibu Parvin : Ayah makan di meja yang saya sediakan di tepi beranda sana ya, sebab suami saya kurang selesa makan bersama dengan ayah.

Datuk Parvin : Baiklah nak!

Parvin :Mak! Ayah! Mengapakah datuk tidak makan bersama-sama dengan kita.Mengapakah datuk makan seorang diri di sana?

Ibu Parvin :Datuk sudah tua nak, dia ingin makan bersendirian.

Parvin :Mak dan ayah tidak suka makan dengan datuk ye, kalau macam tu, bila saya besar nanti saya tidak mahu makan dengan mak dan ayah

- (a) Tindakan Parvin menunjukkan dia ialah seorang anak yang mempunyai nilai kerohanian yang tinggi.Senaraikan **dua** ciri nilai kerohanian yang terdapat di dalam diri Parvin.

(i) Ikhlas dalam memberi pandangan.

(ii) Mentaati ibu bapa dan datuknya.

[2 markah]

- (b) Wajarkah tindakan Parvin bertanyakan perkara tersebut kepada ibubapanya? Beri alasan anda.

Wajar.

Parvin keliru dengan tindakan ibubapanya.

Parvin tidak suka perbuatan ibubapa terhadap datuknya.

Parvin kasihan kepada datuknya.

[4 markah]

- (c) Jelaskan emosi moral ibu Parvin terhadap ayahnya apabila mendengar kata-kata terakhir Parvin dalam perbualan tersebut? Buktikan jawapan anda.

Rasa bersalah.

Ibu sedar cara dia dan suaminya melayan ayah adalah salah.

Ibu dapat fahami isi hati Parvin yang kecewa dengan kejadian di meja makan.

Ibu bangga dengan sikap berani anaknya menegur kesalahannya.

[4 markah]

s21.

Lima Lelaki Ditahan Pukul Pelajar

JOHOR BAHRU 18 April 2021 - Polis menahan lima lelaki yang dipercayai memukul seorang pelajar tingkatan dua di hadapan sebuah sekolah di kawasan Taman Daya, di sini pada hari Jumaat.

Kejadian dipercayai berlaku ekoran rasa tidak puas hati, kerana suspek beranggapan bahawa mangsa telah mengejek adik saudaranya.

Sumber: <https://www.sinarharian.com.my/article>

- (a) Tindakan memukul insan lain tidak mencerminkan individu yang ada unsur kerohanian dalam diri.

Berikan **tiga** ciri kerohanian yang patut ada pada kelima-lima lelaki dalam artikel di atas.

- (i) Kelima-lima lelaki harus bersikap adil.
- (ii) Sayangi diri dan insan lain.
- (iii) Berpegang teguh kepada ajaran agama.

[3 markah]

- (b) Nyatakan **tiga** cara seseorang individu boleh meningkatkan nilai-nilai kerohanian dalam diri.

- (i) Individu harus menjadikan ajaran agama sebagai panduan hidup.
- (ii) Menjauhi diri daripada gejala negatif.
- (iii) Menjaga hubungan baik sesama manusia.

[3 markah]

- (c) Apakah yang mungkin berlaku kepada kelima-lima lelaki yang ditahan?

- (i) Mereka akan dihadapkan ke mahkamah.
- (ii) Dipenjarakan / Dikenakan hukuman / Didenda.
- (iii) Direkodkan sebagai penjenayah.
- (iv) Imej diri terjejas / dipandang rendah oleh masyarakat.

[2 markah]

- (d) Berikan **dua** contoh perlakuan yang mengikut nilai kerohanian dalam kehidupan seharian.

- (i) Menjaga hubungan baik sesama manusia tidak kira umur.
- (ii) Menyayangi haiwan dan melindungi alam sekitar.

[2 markah]

s22.

Maklumat di bawah berkaitan dengan sikap segelintir warganegara Malaysia terhadap golongan OKU.



Terdapat segelintir warganegara yang suka meletakkan kenderaannya di tempat parkir khas bagi golongan kurang berupaya.

- (a) Wajarkah tindakan warganegara tersebut?
Jelaskan pendirian anda.

Tidak wajar.

Warganegara sangat pentingkan diri sendiri.

Mereka tidak peduli akan hak golongan OKU.

[3 markah]

- (b) Pada pandangan anda, mengapakah kita perlu menghormati golongan ini?
Berikan **dua** sebab.

(i) Golongan OKU juga manusia seperti kita.

(ii) Kita tidak patut melukakan hati dan sisihkan mereka.

[2 markah]

- (c) Nyatakan **dua** peranan kerajaan untuk menyedarkan masyarakat tentang isu ini.

(i) Kerajaan perlu anjurkan kempen kesedaran 'Hargai Golongan OKU'

(ii) Denda masyarakat yang salahguna kemudahan khas OKU.

[2 markah]

- (d) Nyatakan **dua** peranan orang awam jika melihat tindakan warganegara yang meletak kenderaan di tempat parkir OKU.

(i) Orang awam harus buat laporan kepada pihak berkuasa.

(ii) Nasihat warganegara jangan guna parkir OKU.

[2 markah]

- (e) Nyatakan prinsip yang perlu diamalkan oleh warganegara dalam memahami keperluan golongan OKU.

Prinsip keprihatinan.

[1 markah]

s23.

Gambar berikut menunjukkan isu pemerdagangan manusia.



- (a) Sikap berperikemanusiaan menyumbang kepada kesejahteraan global. Apakah yang dimaksudkan dengan kesejahteraan global?

(Suasana aman dan makmur) (dari segi keselamatan , jaminan makanan , kesihatan dan kelestarian global).

[2 markah]

- (b) Ramalkan implikasinya jika kegiatan pemerdagangan manusia tidak ditangani dengan segera.

Manusia hilang pertimbangan.

Mereka akan menjadi kejam dan bertindak zalim tanpa perasaan berperikemanusiaan.

[2 markah]

(c) Huraikan **dua** cara untuk membendung kegiatan pemerdagangan manusia.

(i) menguatkuasa undang-undang.
Pihak berkuasa perlu mengenakan hukuman yang lebih berat kepada sindiket.

(ii) mengadakan kempen kesedaran anti pemerdagangan manusia.
Kerajaan dan NGO perlu beri mendidik masyarakat tentang impak negatif pemerdagangan manusia.

[4 markah]

(d) Namakan **dua** agensi tempatan yang bertanggungjawab untuk menangani masalah pemerdagangan manusia.

(i) Polis Diraja Malaysia (PDRM)

(ii) Jabatan Imigresen Malaysia

[2 markah]

s24.

Gambar menunjukkan bantuan sedang diberikan oleh individu kepada golongan gelandangan. Tindakan individu dalam gambar adalah untuk membentuk masyarakat yang sejahtera dan berperikemanusiaan.



a) Takrifkan perikemanusiaan. (2m)

Sifat yang wajar bagi manusia seperti bertimbang rasa, tolong-menolong dan mengasihani.

b) Setujukah anda dengan tindakan individu dalam gambar di atas. Nyatakan alasan anda. (2m)
Setuju.

Individu telah memberi bantuan kepada golongan gelandangan yang hidup susah.

Individu mengasihani golongan gelandangan tiada pendapatan tetap.

c) Perlakuan berperikemanusiaan seperti memelihara dan memulihara hutan merupakan tindakan yang patut dilakukan untuk membantu alam sekitar. Bincangkan. (4m)

Kita dapat pastikan ekosistem alam sekitar akan terjamin.

Kita dapat elakkan berlakunya fenomena pemanasan global.

Kita dapat elakkan berlakunya bencana alam seperti kejadian tanah runtuh.

Kita dapat pastikan spesies flora dan fauna tidak pupus.

d) Berikan contoh aktiviti yang pernah anda sertai untuk membantu masyarakat. (2m)

i. Aktiviti gotong-royong bersihkan taman perumahan.

ii. Aktiviti larian amal.

iii. Aktiviti penanaman pokok.

iv. Menjadi sukarelawan di PPV.

s25.

Gambar di bawah menunjukkan penganiayaan terhadap haiwan peliharaan.



(a) Wajarkah tindakan tersebut ? Justifikasikan alasan anda.

Tidak wajar.

Acik tidak bersikap perikemanusiaan.

Acik zalimi haiwan peliharaan dengan membiarkannya dalam kelaparan.

[3 markah]

(b) Bagaimanakah anda dapat menunjukkan sikap perikemanusiaan kepada haiwan yang terbiar ?

Saya menyelamatkan haiwan yang terbiar itu.

Saya akan beri makanan dan minuman kepada haiwan berkenaan.

Saya akan buat perkongsian di media sosial untuk mencari pihak yang sedia untuk membela haiwan berkenaan.

[3 markah]

(c) Cadangkan cara untuk meningkatkan kesedaran sikap berperikemanusiaan dalam kalangan masyarakat.

Kesedaran sikap berperikemanusiaan perlu dipupuk ke dalam diri setiap anggota masyarakat bermula dari bangku sekolah.

Melalui subjek Pendidikan Islam dan Pendidikan Moral secara formal dan melalui aktiviti kelab dan persatuan secara informal.

[2 markah]

(d) Pada pendapat anda, mengapakah penganiayaan haiwan peliharaan masih berlaku ?

Masyarakat kurang ilmu pengetahuan dalam soal penjagaan haiwan peliharaan.

Lantas , mereka bertindak mendera haiwan peliharaan mereka yang berkeliaran dan ganggu ketenteraman jiran.

[2 markah]

s26.

Keratan akhbar berikut adalah berkaitan dengan kes penderaan kanak-kanak.



(a) Jelaskan perasaan anda apabila anda membaca keratan akhbar di atas.

Sedih.

Kanak-kanak tidak berdosa.

Kanak-kanak didera dengan kejam tanpa perikemanusiaan.

[2 markah]

(b) Pada pendapat anda, mengapakah situasi tersebut berlaku ?

Krisis rumah tangga seperti pergaduhan antara suami isteri.

Natijahnya , anak menjadi mangsa untuk melepaskan geram dan tekanan yang dialami oleh mereka.

[2 markah]

(c) Ramalkan implikasi perbuatan tidak berintegriti yang bakal diterima oleh pendera kanak-kanak malang tersebut.

Pendera akan dikenakan hukuman yang setimpal.

Pendera perlu jalani hukuman penjara.

Pendera boleh didenda.

Pendera boleh dikenakan sebatan rotan.

Pendera yang mendera sampai mangsa mati boleh dijatuhi hukuman mati.

[4 markah]

(d) Cadangkan inisiatif yang dapat dilakukan oleh kerajaan supaya amalan integriti dapat dipraktikkan secara berterusan dalam keluarga.

i) menganjurkan kempen kesedaran 'Keluarga Bahagia'

ii) mewajibkan kursus perkahwinan dan kursus keibubapaan kepada pasangan suami isteri baharu dirikan rumah tangga.

[2 markah]

s27.

Maklumat di bawah berkaitan dengan peranan NGO dalam menjalankan aktiviti khidmat masyarakat terhadap mangsa banjir.

Luluh hati lihat nasib mangsa banjir



Mengerah keringat bersama kumpulan sukarelawan di bawah pertubuhan bukan kerajaan (NGO), Ikhlas.com, Fizz yang berasal dari Raub, melihat sendiri kepayahan penduduk kampung berdepan bencana banjir yang memusnahkan harta benda, tanaman dan haiwan peliharaan.

Bersama Ikhlas.com, Fizz sudah lebih empat kali menyertai misi kemanusiaan dan bantuan kepada mangsa bencana banjir. Orang ramai yang ingin menghulurkan sumbangan boleh melayari www.ikhlas.com

- a. Selain melibatkan diri dalam program dan menghulurkan sumbangan, apakah tindakan lain yang boleh anda lakukan bagi menjayakan seruan kutipan derma NGO di atas?
(3 markah)

Saya akan menyuruh rakan dan anggota keluarga untuk menderma.

Saya akan kongsi info kutipan derma berkenaan dalam media sosial.

Saya akan menulis artikel dalam akhbar tentang keperluan mangsa banjir bagi mendapatkan keprihatinan orang awam untuk menderma.

- b. Terangkan manfaat program yang dianjurkan oleh NGO di atas terhadap mangsa bencana banjir. (3 markah)
- Keperluan asas mangsa banjir seperti makanan, air minuman dan pakaian dapat dijaga.
 - Dapat meringankan beban kewangan mangsa banjir untuk baiki rumah mereka yang rosak teruk.
 - Dapat tenteramkan emosi mangsa dan pulihkan semangat mereka untuk mulakan kehidupan yang baharu.

- c. Anda bersetuju penglibatan diri dalam program komuniti sangat penting untuk membantu negara mengatasi pelbagai bencana yang melanda negara. Justifikasikan jawapan anda. (4 markah)

Dapat meringankan beban kerajaan untuk atasi bencana alam.

Kerajaan tidak perlu tanggung semua kos untuk bantu mangsa secara bersendirian.

Hal ini kerana, masyarakat dan warga korporat turut salurkan pelbagai bantuan.

Dengan ini, kerajaan dapat menyalurkan dana mereka untuk program pembangunan masyarakat yang lain.



Amalan pengurusan perbelanjaan secara beretika memberi banyak manfaat kepada individu. Namun begitu, perbelanjaan yang tidak diuruskan secara beretika akan memberikan kesan kepada diri dan orang lain.

(a) Apakah maksud perbelanjaan beretika?

Cara wang dibelanjakan dan diuruskan dengan berhemah untuk mendapatkan sesuatu barangan dan perkhidmatan.

[2 markah]

(b) Huraikan kepentingan menguruskan perbelanjaan secara beretika.

- (i) Menjamin masa hadapan.
Kita harus menabung untuk memenuhi keperluan alam dewasa.
- (ii) Mengurangkan bebanan hutang.
Kita harus hargai wang dan berdisiplin ketika berbelanja.

[4 markah]

(c) Terangkan kesan pengurusan perbelanjaan tidak beretika kepada diri.

- (i) Kesan jangka pendek
Menghadapi masalah kewangan.
Individu mungkin terpaksa pinjam daripada pemiutang yang tidak berlesen dengan kadar faedah tinggi.
- (ii) Kesan jangka panjang
Nama boleh disenaraihitamkan.
Individu alami kesukaran untuk membuat pinjaman pada masa hadapan.

[2 markah]

s29. Berikut adalah iklan promosi pembelian atas talian.



a) Promosi seperti diatas sering menjadi perhatian masyarakat terutamanya golongan wanita kerana mempunyai potongan harga yang lumayan.

Sebagai ketua keluarga, bagaimana anda memanfaatkan peluang promosi seperti di atas.

Saya tidak akan terpengaruh dengan jualan dalam talian.

Saya akan merancang perbelanjaan mengikut kemampuan.

Saya akan membeli barang keperluan untuk ahli keluarga.

Saya akan membuat perbandingan harga.

[3 markah]

b) Ramalkan kesan sekiranya seseorang individu gagal menggunakan kad kredit secara berhemah ketika membuat perbelanjaan atas talian.

(i) Individu akan boros berbelanja.

(ii) Individu akan gunakan kad kredit melebihi had.

(iii) Individu perlu bayar kadar faedah yang tinggi.

(iv) Individu perlu tanggung bebanan hutang yang tidak sepatutnya.

[4 markah]

c) Cadangkan kaedah yang dapat diamalkan agar perbelanjaan terancang dapat dilakukan.

Kita perlu mendokumentasikan perbelanjaan.


Kita perlu catat kategori barang dan hanya beli barang keperluan sahaja.

Kita perlu mendisiplinkan diri hanya beli barang yang telah dirancang sahaja.

[3 markah]

s30.

Gambar A berikut berkaitan iklan jualan murah.



Gambar A

(a) Sebagai pengguna yang beretika, jelaskan cara anda menguruskan pembelian dalam situasi Gambar A.

- (i) Saya tidak terpengaruh dengan Jualan Murah.
- (ii) Saya akan buat penelitian harga terlebih dahulu.
- (iii) Saya akan pastikan kualiti barangan dan kesesuaian harga.
- (iv) Saya rancang perbelanjaan berdasarkan wang yang dimiliki.
- (v) Saya elakkan diri daripada berhutang. [3 markah]

(b) Terangkan implikasi sekiranya anda terlalu mengikut nafsu berbelanja ketika jualan murah.

- (i) Bazir wang ke atas barangan yang tak perlu.
Hal ini jeaskan perbelanjaan saya terhadap barangan keperluan harian.
- (ii) Terpaksa tanggung beban hutang yang tidak sepatutnya.
Saya mungkin disenaraihitamkan oleh bank jika tidak mampu bayar balik hutang tersebut.

[4 markah]



Gambar B

(c) Setujukah anda dengan pernyataan pada Gambar B? Berikan hujah anda.

- Setuju.
Tabungan bantu saya atasi masalah ketika hadapi masa kecemasan.
- Tabungan bantu saya memenuhi keperluan alam dewasa saya seperti miliki rumah dan lanjutkan pelajaran. [3 markah]

s31.

Maklumat berikut berkaitan dengan perbelanjaan beberapa orang individu.

Bo Xuan : Membeli sepasang kasut baharu semasa jualan murah kerana kasut sedia ada sudah tidak mengikut gaya semasa.
Naresh : Membuat penolakan gaji untuk insurans nyawa, tetapi ingin menambah untuk unit amanah. Namun, bimbang perbelanjaan bulanan meningkat.
Daniel : Membeli 2 tin biskut kerana inginkan bekas pensel edisi terhad yang diberikan secara percuma. Dia sememangnya memerlukan bekas pensel.

- a. Berdasarkan perbelanjaan beberapa individu di atas, bagaimanakah Bo Xuan dapat mengawal perbelanjaan kehendak? Jelaskan. (3 markah)

Bo Xuan tidak terpengaruh dengan Jualan Murah.

Dia perlu semak dan bandingkan harga kasut.

Baharulah , dia dapat pastikan kasut itu benar-benar murah dan berkualiti.

Langkah ini dapat elakkan Bo Xuan jadi mangsa penipuan.

- b. Berdasarkan perbelanjaan di atas, adakah anda bersetuju dengan cara perbelanjaan Daniel? Berikan alasan. (4 markah)

Setuju.

Daniel bertindak dengan bijak semasa berbelanja.

Dia membeli barang berdasarkan keperluan.

Daniel dapat jimatkan wang untuk beli bekas pensel kerana ia diberi percuma.

- c. Mengapakah setiap perbelanjaan memerlukan perancangan? (3 markah)

Dapat membeli barangan perlu yang telah dirancang sahaja.

Dapat elakkan perbelanjaan secara berlebihan dan yang tidak sepatutnya.

Dapat berjimat cermat dan elakkan pembaziran.

s32.

Berikut adalah amalan Sally menguruskan perbelanjaan diri dalam kehidupan harian.



Sally dilabelkan sebagai 'kaki shopping' dan sering terpengaruh dengan iklan jualan murah. Dia sanggup menghabiskan gaji bulannya semata-mata untuk membeli barang kesukaannya sehingga dia menggunakan kad kredit tanpa had.

(a) Berdasarkan situasi di atas, berikan **dua** nilai universal yang patut diamalkan oleh Sally.

(i) Nilai kesederhanaan.

(ii) Nilai bertanggungjawab.

(iii) Nilai rasional. [2 markah]

(b) Ramalkan **dua** kesan terhadap Sally akibat berbelanja secara boros.

(i) Sally akan hadapi masalah kewangan.

(ii) Sally akan dibebani hutang yang tidak sepatutnya.

[2 markah]

(c) Apakah kepentingan amalan berjimat cermat dalam kehidupan harian?

(i) Dapat menjamin masa hadapan.

Kita akan mempunyai tabungan untuk hadapi keperluan alam dewasa.

(ii) Dapat mengurangkan bebanan hutang.

Kita dapat pupuk sikap hormat dan berdisiplin ketika berbelanja.

[4 markah]

d) Nyatakan **dua** cara yang boleh dilakukan untuk menguruskan perbelanjaan secara beretika.

(i) Rancang perbelanjaan berdasarkan jumlah wang yang dimiliki.

(ii) Membeli barangan keperluan sahaja.

[2 markah]